

Croeso i Ysgol Betws Gwerful Goch

Hoffwn estyn croeso i chi fel rhieni Ysgol Betws GG. Mae'r daflen hon yn un sydd yn llawn gwybodaeth o sut yr ydym yn gweithredu oddi fewn i'r Ysgol. Mi fyddwch yn gyfarwydd â rhai pethau yn barod dwi'n siwr ond ar ddechrau blwyddyn newydd rwyf yn wir gobeithio y bydd o ddefnydd i bob un ohonoch.

Yn y cyfamser, cofiwch gysylltu â ni ar unrhyw adeg os ydych yn pryderu am unrhyw beth neu angen mwy o wybodaeth am drefniannau'r Ysgol.

Llawer o ddiolch

Mrs Thomas, Pennaeth Ysgol Betws GG



Dysgu fel teulu, tyfu fel cymuned

Dosbarthiadau a Staff yr Ysgol

Mae 2 ddosbarth o fewn yr Ysgol. Dyma wybodaeth o'r dosbarthiadau a'r staff

DOSBARTH ALWEN

Bore—Derbyn, B11, B12

Prynhawn—Meithrin, Derbyn a B11 B12

Mrs H Hughes Dydd Llun—Iau

Mrs D Roberts/Miss M Roberts—Dydd Gwener



DOSBARTH CEIRW

B14, B15 a B16

Mrs H Blackford Dydd Llun—Gwener



Cymhorthydd; Miss Walker

Athrawon ychwanegol;

Mrs M Jones

Ysgrifennyddes;

Mrs Helen Hitchmough

Cogyddes;

Mrs M Roberts

Cinio, Laeth a Ffrwyth

Wrth gofrestru ben bore mae'r plant yn cael dweud os ydynt am gael cinio ysgol neu wedi dod a bocs bwyd eu hunain. Os yn cael cinio ysgol maen't yn cael dewis beth sydd ar y fwydlen neu taten pŵb. Mae'n bwysig eich bod yn talu am eu cinio ar Parent Pay yn wythnosol.

Yn ystod y bore bydd Dosbarth Alwen yn cael diod o laeth a gofynnir ichi yrru pecyn bach iach iddynt os gwelwch yn dda.



Addysg Gorfforol

Mae sesiynau addysg gorfforol yn cael eu cynnal yn yr Ysgol ar y dyddiau canlynol;



Dydd Mercher a Dydd Gwener

Gofynnwn i'r plant ddod i'r ysgol yn eu gwisg ymarfer corff ar y dyddiau hyn sef crys t glas golau neu gwyn a siorts/trwsus ymarfer corff du.

Rhannu Gwybodaeth

Byddwn yn ebastio rhieni gyda llythyrau neu gwybodaeth bwysig yn ogystal a'i rannu ar ein App. Yn ogystal byddwn yn rhannu gwybodaeth ar ein tudalen newydd sbon Facebook, cofiwch ymuno! Mae'n dudalen gaeadig ac ein rhieni yn unig fydd yn cael ymuno.

Hoffwn hefyd eich atgoffa nad oes disgwyl i aelod o staff yr ysgol ateb cwestiynau ar facebook yn dilyn oriau gwaith a ni ddylid gyrru negeseuon preifat i staff.

Os ydych yn ansicr o unrhyw drefniadau byddai'n well i chi gysylltu â ni yn yr ysgol i gael atebion.



Betws GG



@ysgolbetwsgg

Siarad Cymraeg

Ysgol Gymraeg yw Ysgol Betws Gwerful Goch, rydym yn disgwyl ein plant siarad Cymraeg yn yr Ysgol ac ar y buarth.

Mae Llysgenhadon Iaith yn yr Ysgol fydd yn gweithio ar wahanol syniadau i hybu'r Gymraeg.



Cinio Ysgol

Rhaid talu yn rheolaidd am ginio ysgol. Cost cinio ydy £2.40 y diwrnod (£12.00 yr wythnos). Ni fyddwn yn derbyn unrhyw arian parod, rhaid talu drwy ddefnyddio'r system talu ar-lein Parent Pay - nid ydym eisiau unrhyw ddyledion. Mae'r Sir wedi gosod canllawiau newydd pendant sydd yn nodi na ddylai unrhyw blentyn dderbyn cinio os oes ganddo fwy na £12 o ddyled. Felly erfyniwn arnoch i gadw at y rheolau yma. Os ydych yn meddwl eich bod yn gymwys i gael cinio am ddim i'ch plentyn – mae posib i chi lenwi ffurflen gais ar wefan Sir Ddinbych.

Cyrraedd yr Ysgol

Mae Clwb Brecwast yr Ysgol yn **agored rhwng 8yb a 8.40yb**. Nid oes rhaid bwcio lle i'ch plentyn ond os yw eich plentyn yn mynchu'r clwb bydd disgwyl iddynt gael brecwast. Bydd rhaid talu am y clwb brecwast drwy Parent Pay.

Bydd drysau'r Ysgol yn **agor am 8.45** a dylai bob plentyn gyrraedd yn **brydlon erbyn 8.55 o'r gloch** yn barod i gyhwyn yr ysgol am 9 o'r gloch.

Plant Meithrin i gyrraedd rhwng 12.45yp a 1 o'r gloch os gwelwch yn dda.

Cofiwch ffonio'r ysgol cyn 9 y bore os fydd eich plentyn yn absennol. Bydd pob plentyn sy'n cyrraedd yr ysgol yn hwyr (ar ôl 9.30 y.b), neu rieni sydd ddim yn gadael i'r ysgol wybod pam fod eu plant yn absennol, yn cael eu marcio'n gyda absenoldeb anawdurdodedig. Ceisiwch wneud apwyn-tiadau meddygol, llygaid a deintyddol ar ôl ysgol os yn bosibl.

Os ydych am gymryd eich plentyn allan o'r ysgol am unrhyw gyfnod a wnewch chi ofyn i'r ysgol am y Ffurflen Cais am Absenoldeb. Byddwch yn cael ateb i ddweud os yw'r absenoldeb yn cael ei awdurdodi a'i peidio. Ni fydd yr ysgol yn awdurdodi absenoldebau gwyliau ac felly os bydd eich plentyn i ffwrdd o'r ysgol heb awdurdod am 10 sesiwn (5 diwrnod) byddwch yn cael llythyr rhybudd gan y Sir. Yna, os bydd eich plentyn i ffwrdd am 20 sesiwn (10 diwrnod) byddwch yn cael Hysbysiad Cosb Penodedig.

Gofynnwn yn garedig i chi beidio cymryd gwyliau yn ystod y tymor os yn bosibl gan y gall hyn gael effaith anffafriol ar addysg eich plentyn.



Casglu plant o'r ysgol

Ysgol yn gorffen am **3.15 yn brydlon**. Allwch chi adael i ni wybod os oes unrhyw newidiadau i'r trefniadau arferol os gwelwch yn dda.



Meddyginiaeth

Nid yw'n orfodaeth ar aelod o staff i weinyddu meddyginiaeth. Os yw eich plentyn angen meddyginiaeth ceisiwch ei weinyddu cyn ac ar ôl ysgol os yn bosibl.



Mae croeso i rieni ddod i'r ysgol i roi meddyginiaeth i'w plentyn. Os nad yw hyn yn bosibl os gwelwch yn dda a fuasech yn dod i'm gweld i drafod PEIDIWCH BYTH ANFON UNRHYW FEDDYGINIAETH I'R YSGOL DRWY LAW EICH PLENTYN. Byddwn yn gofyn i chi lenwi ffurflen ganiatad os bydd y staff yn fodlon i roi'r meddyginiaeth i'r disgybl.

Pympiau'r Fogfa/Asthma Pumps - Os yw eich plentyn angen defnyddio pwmp Asthma a wnewch chi wirio ei bod mewn dyddiad a'i ddod i'r ysgol wedi ei labelu yn glir gydag enw eich plentyn (a'i roi mewn boc os yn bosibl).